



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 224. Quotuplex sit Homicidium.

[urn:nbn:de:hbz:466:1-73982](#)

tius ex solutis nasci, cum talis præsumptio ex frequentiis contingentibus filiis infamiam irroget, & in parentibus culpam supponat, adeoque cedere debeat præsumptioni, quod nati sine ex legitimo matrimonio, siquidem, dum duæ præsumptiones in uno acto concurrunt, sensper prævalere debet ea, quæ delictum excludit, & favorem continet, Castrop. cum Menoch. de arb. cas. 89. n. 23. Unde jam Ordinum, beneficiorum, officiorum, dignitatuum capaces sunt circa dispensationem. Gonza.

Barb. Wiesbn. Reiffenst. II. cit. non tamen Canonum, dignitatum, officiorum, quæ ex fundatione vel statuto nobilitatem exigunt; licet enim præsumantur qualitates, quæ communiter insunt, vel necessariae sunt ad excludendum Peccatum, non tamen ea, quæ communiter non insunt, præsertim ex fundatione vel statuto requisitæ, haec enim probandæ sunt, nec sufficit earum præsumptio. AA. citati.

TITULUS XII. De Homicidio, Voluntario & Casuali.

C A P U T I.

De Homicidio in genere, & in specie de Pœnis Homicidii injusti.

Quæst. 223. *Homicidium quid sit?*

R Esp. Homicidium corporale sic dictum, quasi cædes hominis *Can. Homicidium.* 23. q. 5. & *L. Vulneratus ff. ad Leg. Aquil.* est violenta examinatio hominis, seu separatio animæ à corpore facta ab homine. Farin. *prax. crim. q. 119. n. 3.* Harprecht. in §. item *Lex Cornelii. Inst. de publ. jud. num. 6.* Pirh. b. t. num. 1. Dicitur examinatio hominis, sub quo intelligitur interemptio fœtus animati neandum in lucem editi. *L. necare ff. de agnosc. lib. dicitur: Ab homine;* quia, si homo à fera seu bruto occidatur, non dicitur propriè homicidium, sed pauperies, juxta rub. & textum *Inst. & ff. si quadrupes pauper fecerit.*

Quæst. 224. *Quotuplex sit Homicidium?*

R Esp. Homicidium principaliter præsertim à Canonicis, ut patet ex rubrica præsentis tituli, dividitur, in Voluntarium & Casual. Voluntarium est, quod vel per se ac directe & expressè intenditur, vel quod citra intentionem quidem, posita tamen causâ, directe volitâ, ex qua moraliter certò mors alterius secutura provideretur, committitur, v. g. mulier prægnans conculcatur pedibus, vel ita graviter percutitur, ut inde mors fœtus, qui jam animatus cognoscitur, sequatur, unde Homicidium aliud directe in se, aliud indirecte seu in sua causa voluntarium dicitur. Homicidium casuale, & quidem propriissime tale est, quod citra hoc, quod directe vel indirecte intendatur, ceteraque omnem culpam ex aliqua actione licita merito, fortuitò & casu, accedit. Quamvis etiam tunc censetur culpabile seu dicatur culposum, dum quis rei illicitæ dat operam, ex qua mors alterius sequatur præter omnem intentionem & prævisionem agentis, etiam dum is omnem diligentiam adhibuerit ad eam evitandam, vel dum quis dat operam rei licita, cum tamen tali negligenter & imperitius, ut inde mors alterius etiam non prævisa ex illa negligenter oritura proveniat, unde homicidium casuale in culposum & inculposum dividi solet, ita fere Reiffenst. b. t. num. 15. remittens ad Carpz. *prax. crim. q. 27. num. 3.* de quo paulò post plura, Homicidium voluntarium subdividitur in licitum seu justum, & illicitum seu injustum. Licitum seu justum (quod etiam à Legistis vocari solet necessarium) illud est, quod vel pro necessaria sui alio-

rūmve justa defensione servato moderamine inculpatæ tuelæ, vel ex voluntate & præcepto superioris habentis jus gladii, vel jubente lege & hinc justè fit. Injustum, quod contra divinam vel naturalem humanam legem prohibentem ex intentione committitur. Ita AA. communiter. Homicidium voluntarium injustum iterum subdividitur in simplex, quod absque adjuncta aliqua qualitate & circumstantia augente ejus malitiam committitur; aliud qualificatum, quod quod ad occidendi modum, locum, personam, specialem aliquam qualitatem vel circumstantiam malam habet. Unde aliud est particidium, dum quis parentes, liberos, sanguine junctos occidit, de quo supràit, 10. Aliud sacrilegum seu sacrilegium, dum quis occidit personam sacram, puta Sacerdotem, Religiosum, vel profanam in loco sacro. Aliud assasinum seu assassinum, dum quis pecuniâ conductus alium occidit; Aliud proditorum, dum quis nullâ præcedente inimicitia vel rixâ fingens se amicum atergo percutit & occidit aliquem. Aliud infidiosum seu ex insidiis, dum quis inimicum suum tale prævidentem occulè certo loco exspectans præteremtem aut accendentem occidit. Aliud veneficum seu veneficum, dum quis propinato inscienti alteri veneno, animo occidendi illum permit. Ad Homicidium quoque qualificatum reduci solet omne Homicidium deliberatum seu præmeditatum, quod nimis sedato jam iracundia calore præviâ plena animi deliberatione committitur, de quo videfuis Clarum *L. s. §. Homicidium, n. 8.* ubi etiam ait, quod talis juxta opinionem magis communem non sit tutus immunitate Ecclesiæ.

Quæst. 225. *Quenam pœna statuta Homicidio injusto?*

R Esp. Primò: Omni Homicidio statuta est pena mortis, tam Lege divina; *Genes. c. 9. v. 6.* Quicunque effuderit humanum sanguinem, effundetur sanguis illius. *Levit. c. 24. v. 17.* Quis percussit & occiderit hominem, morte moriatur. *Apocal. c. 13. v. 10.* Qui gladio occiderit, oportet eum gladio occidi; quam lege humanâ civili, §. item *Lex Cornelii. Inst. de publ. jud.* nam eti Homicidis nobilibus statuta olim deportatio in Insulam, seu proscriptio, seu exilium, *L. ejusdem, §. 5. ff. ad Leg. Cornel. de Sicar.* correcta tamen est lex hæc per *L. quoniam ff. de vi publica, & Conf. crim. Carol. a. 37.*

§ 137.